



kat.komp.

59485



Mag. St. Dr.

Carmelit. Discal. Coll. Crac. Prodoma scientiarum obre-
quiosae suo munere Lechici Carmeli nota processus-
rearsive Conclusiones logice.

*Provinciae Collegii Carmelitae Dissolutionem
Provinciae Vicentiarum (Conclusiones logice
ad mentem Angelici Praeceptoris)*

P
C
E
VIS
P
Per
Anno
Ex Off
scop

I E S V S M A R I A.

P R O D R O M A

S C I E N T I A R U M,

Obsequio suo Munere
Lechici Carmeli vota

P R Æ C U R R E N S.

in occursum

A. R. P. N. O.

C A R O L O

â SS^{ma} T R I N I T A T E

V I S I T A T O R I G E N E R A L I,

Patrum Carmelitarum Discalceatorum.

P R O V I N C I Æ S A N C T I S P I R I T V S

Per Poloniam & Magnum Ducatum Lithuaniae;

Necnon,

Conventûs Viennensis Priori.

â Philosophico Cursu



Collegii Cracoviensis eiusdem Ordinis,

Publicis Thesibus

P R O D U C T A.

*Anno, quo Præcurrente, Clamantis voce, Divinum in Orbem
processit Verbum. 1699.*

C R A C O V I Æ,

Ex Officina Francisci Cezary, S. R. M. Illustrissimae Reverendissimi Dñi Epi-
scopi Crac. Ducis Severiae: necnon Scholarû Novoduorfc. Typographi.



Augurii mater volucrum Regina vagarum
 LIA quid spondent ore retenta tuo.
 Spondent Carmeli semper florescere prolem
 Spondent victuram flore et odore meam

59485

A

bus /
 Tuo
 vis h
 tur a
 lestr
 hun
 Gen
 Ang
 bo A
 Cona
 Pri
 phi
 vis
 min
 con
 gica
 prae
 Clau
 gna
 nem
 cna



ADMODVM REVERENDE PATER
NOSTER OBSERVANDISSIME.

Prodroma Scientiarum præmissa, Lechicus Tibi occurrit Carmelus. A. R. P. N. O. Liberi Regni intra Libertates consistens, Regium procedendi modum licere sibi non dubitat, cui Avitum Decus Regalem in stemmate Coronam referavit. Debitum proinde Principibus subsequitur Scipionem, qui æmulo Regibus murice purpurascenti quoq; Tuo Nomini, Antesignano Logicæ munere famuletur. Physica quamvis hic non attendantur asserta, attamen in occurso Tuo præviis conijci-
tur asseri concursus, quem subsequimur. Proprium hoc Thomisticæ Pa-
lestræ aliter in publicum non prodire, nisi præviâ motione. Motum
hunc MICHAELIS Ædium Inquilini ordiuntur Motores Angeli,
Gentilitia Carmeli sidera in Tui venerationem præmoventes. Sequi
Angelos etiam Angelicus exambit Præceptor, alias in Aquinatico Phæ-
bo astrorum Princeps, præeunte nonnisi Phosphoro incedere asuefactus.
Conditionem Magistri sui Thomistico Peripateticum usurpat Lyceum,
Principum sibi magnificentiam in Prodromo vendicando, ubi Philoso-
phi regnant Regesq; philosophantur. Nobis tamen in Angelorum stati-
vis inter administratorios spiritus commorantibus, cum scientiarum
ministra debito arrisit obsequio antecedere. Nec alia ancillari scientiæ
conveniunt munia, quàm ministrare. Sermo cum sit ex Ethymo suo Lo-
gica, vocibusq; intentæ, quid commodius præstare poterat, nisi scientiarum
præire agmina? Cælesti namq; sapientiæ Præcursorem agere solita vox
Clamantis. Hujusmodi verbi Prodromum imitata, de Prædicamentis di-
gna depromit præconia, Principi suo Præcursorem actura & Præco-
nem. Hinc cunctæ ad illam recurrunt voces, quibus nisi è nutu Rati-
onalis scientiæ in publicum (more Lechico) non licet prosilire. Ad

Pompam aliis Principibus Mareschalci deservit scipio, Logicæ obsequium in tantum exigitur, ut hâc non præeunte imperfecta scientiarum Majestas censeatur. Vicinum illa in Demonstrationis structura monstrat Principem, cujus literarium solium aliter non adeundum, nisi ex benevolentia Logicæ Demonstrationis habitu acquisito. Nec immerito usum proprius exclusit à materiis. Publicum namq. Officialem actura, usum sui muneris non privatis negotiis, verum aliis reservavit Doctrinis, ut Directricis Officio fungeretur. Nec ipse summus sacratiorq. Theologicus Apex recusat Obsequium Logicæ, dum dilemmata illius & obicit, & objecta sibi, retorsit sapientia Incarnata. Tota ergo Divinarum humanarumq. scientiarum universitas introducit à Logica, cui de Introductione Isagogica, Porphiriana Arbor scipionem porrigit pro Insigni. Vicinam proinde scias jam scientiarum adesse majestatem, cujus Prodroma obviam Tibi sistitur. Familiarior equidem illa Tibi extiterat, nunc magnificentiori apparatu ad Te processit, postquam literarios labores in honoris culmen evexisti. Solæ Tibi antea Literis amicæ adhæserant Laureæ; nunc bajula Imperii Coronæ Vienna, Præsulei muneris detulit Tibi fasces. Non pridem Te animantium Princeps Leo Belgicus Visitatorem Generalem salutavit, nunc Te eodem munere insignitum Coronata Regina volucrum Sarmatica dum recipit Aquila, quo Te? nisi ad Coronas procedere judicavit. Sic debita pridem Tuis meritis dum Te complectuntur Coronæ, debitum Coronatis Prodromum, statuunt in Logica. Hæc postquam in occursum Tibi Lechicum deduxit Carmelum, Te quoq. intra Regni ac Filialia deducet viscera. Et ne hæc (confictis Entibus adtentos in Logica) fingere nos reputes incapax ejusmodi fictionis propensior in Te Voluntas suis testatur votis, quibus ad perenne Tui Obsequium cum Ancillari scientia obstringimur.

Reverentiæ Vestræ, Patris Nostri Observadissimi.

Humillimi Servi & Filij.

FF. Carmelitæ Discalceati.

Collegij Cracoviensis Philosophiæ Auditores.

CONCLVSIONES LOGICÆ.

Ad Mentem Angelici Præceptoris.

I.

Logica est scientia speculativa, sistens tanquam in fine proprio & primario, in Contemplatione sui Obiecti: secundarius finis eius est, perficere & dirigere Intellectum in suis Operationibus, ut sine errore Veritatem in rebus cognoscere possit.

II.

Obiectum Logicæ est Ens rationis Logicum, sive Omnis secunda Intentio, quæ est veritatis ostensiva: actus verò Intellectus, Res, & Voces, secundum suum esse reale ad Materiale Obiectum huius scientiæ reducuntur.

III.

Datur Ens rationis, quod solum habet esse Obiectivè in Intellectu: Essentia illius consistit non in sola Denominatione Extrinseca obiecti cogniti, sed in Entitate ficta à nostro intellectu, ab illoq; tantum, & non ab alia potentia volitiva, vel sensitiva formari potest.

IV.

Naturæ Universales dantur à parte rei, non separatae à singularibus: in his naturis datur Vnitas Formalis, quæ non est communis pluribus positivè, sed multiplicatur in Inferioribus: ab vnitate numerica non distinguitur distinctione media scotistica (quæ repugnat,) sed virtualiter tantum.

B

V.

V.

Vniversale formaliter sumptum, seu Vniversalitas solum fit per operationem Intellectus, comparantis Naturam ad sua Inferiora. habet rationem generis, respectu quinque Prædicabilium, scilicet respectu Generis, Speciei, Differentiæ, Proprii, & Accidentis.

VI.

Genus est, quod prædicatur de pluribus differentibus specie *in Quid*; Non prædicatur de illis ut pars, sed ut habet rationem totius: non potest salvari in unica specie, quamvis species salvetur in unico Individuo: utraq tamen Physicè sumpta salvantur.

VII.

Species est id, quod prædicatur de pluribus differentibus numero *in Quid*: non est prædicabilis ut est formaliter subijcibilis: quamvis illi repugnent plura. Individua, potest esse Vniversalis; & hoc potissimum speciei substantiarum immaterialium (ut sunt Angeli) competit.

VIII.

Differentia est id, quod prædicatur de pluribus *in Quale Quid*: non est Vniversalis per Respectum ad speciem quam constituit, sed per Ordinem ad Inferiora illius. Proprium conveniens omni soli & semper per hoc differt ab Accidente, quod oriatur ratione formæ, & per se primò convenit speciei.

IX.

Substantia in propria & essentiali ratione non constituitur per negationem essendi in alio, neque per hoc quod substat Accidentibus, sed per esse per se. Christus Dominus, substantiæ Corporeæ, & Incorporeæ, excepto solo DEO Optimo Maximo, pertinent ad Prædicamentum substantiæ.

X.

Quantitas distinguitur realiter à substantia; pro formali ac essentiali sua ratione, dicens extensionem partium in ordine ad se: est Accidens extensivum, seu tribuens partes substantiæ, quæ tales partes quantitativas ex se non habet.

Relatio est, cuius totum esse est ad aliud se habere. Distinguitur realiter à suo fundamento, non terminatur formaliter ad aliquid absolutum, unde cuiuscunque Relationis terminus est quid Relativum. Ad hoc Prædicamentum solæ Relationes secundum esse Creatæ pertinent.


Qualitas est Accidens dispositivum. Substantiæ. Actio est Accidens, à quo res constituitur actu producens. Passio est receptio termini. Hæc & alia ultima Prædicamenta, non in sola Denominatione extrinseca consistunt, sed sunt Formæ Accidentales Intrinsecæ.

Demonstratio est Syllogismus faciens scire. Dividitur adæquatè in Demonstrationem *Quia*, & Demonstrationem *propter Quid*. In Demonstratione Assensus præmissarum est Causa assensus Conclusio- nis, necessitatq; Intellectum ad huiusmodi assensum.


Scientia quæ Habitus per Demonstrationem acquisitus dicitur, Unitatem propriam, tam Genericam, quam specificam desumit ab Obiecto, non in esse rei, sed in esse scibilis considerato. Illa propriè subalternata dicitur scientia, cuius Obiectum accidentaliter continetur sub Obiecto subalternantis.

Habitus primorum Principiorum versatur circa Propositiones Vniversales, necessarias, immediatas, & speculativas: Distinguitur ab Intellectu, estque partim acquisitus, partim inditus à Natura. In eodem Intellectu, de eodem Obiecto nequeunt esse simul cum Opinione Scientia.

Ad Maiorem DEI Gloriam.



*Disputabuntur publicè in Collegio Cracoviensi Carmelitarum
Discalceatorum. Anno Domini 1699. Mense
Horis Pomeridianis.*



rca.
dia-
que
eo.
fi-

83

83

28

sup
ted
nat
con

29.



